

# СТАЛИНЪЯ

ВКП(б) лэн Центральной комитетэз но Совнарком Москва облавлэсь, Татарской АССР лэсь Горьковской край лэсь но мукет ёслэсь (ваньмыз 12 крайёс но областёс) госуларстволы нянь сётонзэс бидэстэмзэс но тулыс кизёнлы асьсэзыз кидысэн обеспечить каремзэс лыдэ басьтыса колхоз'ёслы, колхозник'ёслы но нимаз ужаса улысь единоличник'ёслы ас нянены ы вузкароны разрешить карыса туэ 26 декабре решени кутызы.

УАОысь Я-Бодья ВКП(б) райкомлэн но райисполкомлэн органзы  
Кыкетй арзэ 6 29 декабрь 1934 ар. Дуныз 1 толэзьлы 25 коньы,  
нуналлы огпол потэ № 52 6 толэзьлы 1 м 50 к Арлы 3 мант

## Совет'ёслэн XI областной с'ездазы Г. А. Иванов

### эшлэн верам отчетысьтыз

#### Коллективизация

Отчет сётон дырлэсь азьвыл областямы, шор лыдын вераса, куанер но шоро-куспо хозяйствоос 22 процентэз (28 сюрс хозяйствоос) колхоз ёсы огазаямын вал ке, 1934 арын 1 декабрь азе 83,5 процентэз (105,7 сюрс хозяйствоос) колхозын ини. Совет'ёсы быр'иськон но дасяскон чоже колхоз'ёсы 3500 хозяйствовлэсь но трос колхоз'ёсы кыскемын. 1934 арын крестьян хозяйствоос 80 процентэз колхоз'ёсын дырья, вань муз'ем пöлысь 85 процентэз колхоз'ёс кыин лыд'ясыкызы. 1931 арын колхоз'ёс 1406 ке вал, али 2843 ини. Одыг колхозын, шор лыдын вераса, 18,5 хозяйствоос лыд'яско ке вал, али 38-озь вуэмын ини.

#### Кизён муз'ем но солэн удалтонлыкес.

Кизёно муз'емлэн ог'я жутскемынз чош ик технической культураосыз кизён но данаклы паськытаз. Областиа чабей кизён ласянь база кылдытэмын. Валэс ю культураос 1930 арын 422,9 сюрс га вылэ киземын вал ке, 1934 арын 603 сюрс га вылэ киземын. Та пöлысь чабей кизён инты 8,7 сюрс га-ть 41,6 га-озь будэмын: етйн кизён инты=41,7 сюрс га-ысь 68 сюрс га-озь. Вань кизёно муз'ем 1930 арын 869,3 сюрс га ке лыд'яське вал, 1934 арын 948,2 сюрс га-озь вуэмын.

Таин чош ик, выль удалтонлык понна, кизёнэз кема дырлы кыскытэк вакчи дыре но вазь кизыса бидэстон понна зол нюръясон мынйз. Кылсярысь, 1932 арын тулыс кизён нырисетй июлэз ке кытыськыиз, 1934 арын 23 маёз. Озы тйни туэ кизён, 1932 арын сярись, 38 нунал азьло бидэстэмын. Мукет'ёсыз но сельско-хозяйственной уж'ёс умойгес ортчылзы (кылсярысь, пар гырон, октон-калтон, сйзыл озим кизён, кутсаськон но мукет сыче уж'ёс).

Выль возматэм лыдпус'ёс бордысен адзиське, отчет сётон дыр куспын етйнэз гинэ вератэк вань культураос'я шор лыдын вераса, областями удалтонлык данак жутскемын. Зэм, 1933 арын уйпал район'ёсын ю-нянь тырмыт оз поты. Соин ик колхозник'ёслы но единоличник'ёслы государство трос юрттоно луиз. Шонерак вераны кулэ, колхозной строй ой ке вормысал, та район'ёсын ю-нянь удалтымтэ талэсь но бадзымгес луысал.

Етйн ласянь, тужгес ик 1932 но 1933 ар'ёсы, 1930 арын чошатыса, етйинлэн удалтонлыкес улынгес. Талэн мугез со бордын луэ: асьмеос етйн кизён интыез паськытатон ласянь туж унолы азьлане тэтчас, солэсь удалтонлыкесэ жутон понна но сое юнматон понна нюръяськон тырмыт ом нуэ. Етйн нош уйпал район'ёсын валтысь культура луэ ук. Тае классовой тушмон уже кутытэк оз кельты. Со колхозын етйн кизёнлы пумит мылдык вöлдыны кутскиз. Партия но совет организациос ласянь кулэ мероприятиос кутэмен та берло аре чутрак азинскон басьтэмын. Соин валче 1934 арын етйинлэн удалтэмез урод öвöл.

#### Машинаосыз валаса уже кутано

Областын сельской хозяйстволэн социализмо укладэз будэмен чош ик сое техника ласянь вооружить карон но зол мынэ. Та ласянь машино-тракторной станциос туж бадзымес уж'ёсыз бидэ'язы. Соос сельской хозяйствон энергетической, технической центр луо.

Отчет сётон дыр кугскон азын 4 МТСёсыз соку гинэ кылдытыны кутскемын вал. Али асьме областын 17 МТС, трактор'ёсы 497. Сложной машинаосын вооружить карем машинно-тракторной станциос трос колхоз муз'ем вылын ужало ини. Та машинаосын колхоз муз'ем'ёс умойгес, зечгес ужасько.

МТС районлэн палэнысьтыз колхоз'ёс но сложной но полусложной машинаосын но мукет тйрлык'ёсын ужало. Геры, кизён куды, пу усы, сюрло; кутэс кадь но мукет сыче муз'ем ужан тйрлык'ёс сельско-хозяйственной производствосыз трос интыосын бидтэмын ини. Куд интыосын нош вань на ке, соос бер удисэ куштэмын, берпум нунал'ёссэс гинэ векаса уло на. Соослэсь интызэс табере плуг'ёс, кизён машинаос, турнан машинаос, ачиз культу керттылыса куясь аран машинаос, етйнась но мукет сыче сложной но полусложной машинаос бастызы.

Сельско-хозяйственной производствосыз пумен тросгес механизировать каремэн чош ик таце ужез пусытэк кельтыны уг луы; сложное машинаосын ужаны ляб дышыськом, соосыз каллен киултыськом, ужез умой организовать карыны ум быгатыське. Соин йырин тракторной но машинной парк'ёс сылоно луыло, соослэн ужазилыксы кулэсме.

#### Социализмо пудо вордонэз выль удысэ

Сельской хозяйстволэн та люкетэз отчет сётон дыр куспын тужгес ик секыт положениын вал. Пудо вордон уже совет'ёс ласянь, тужгес ик муз'ем уж бордын ужась орган'ёс ласянь тырмыт саклык вис'ямтэен, сельской хозяйствооз реорганизовать карон вакытэ пудоез вандылон понна классовой тушмон агитация нуыны нимаз ик умойгес луонлык шеттылыз. Талы пумит нош чурит пезьдэт тырмыт сётэмын ой вал.

Огазаям улл'ёсыз вузлыко фермаослэн положениазы потгон но пинал пудоос октыса выль фермаос кылдыт'ян сярись ВКП(б) ЦК лэн июнь толэзе ортчем пленумезлэн постановлениез берре фермаослэн но отысь пудоослэн лыдзы чутрак будыз. Таин чош ик таце ужпум сярись вератэк уг луы: данак колхоз'ёсын выль колхоз фермаос кылдыт'ян, огазаям пудоосыз фермалэн положениаз поттэм вамен гинэ ортчылыз. Будись пинал пудоосыз бастылыса но люкаса фермаос кылдыт'ян ласянь уж вырзэтымын ой вал.

Али областысьтымы жыныезлэн колхоз'ёслэн вузлыко фермаоссы вань ини. Асьме азын матысь дыре ик ваньмаз

ик колхоз'ёсы вузлыко фермаос кылдытон но азьло кылдытэм фермаосыз кужмоятон, паськытатон уж сылэ. Та уже асьмелы вань кужымез но луонлык'ёсыз кугоно. Озы тйни та борды кутскыса, пудо вордонэз бидэсак жутон понна нюр'ясконо.

Кылем арын сярись, туэ арын пудоез быззылытон (случной) кампаниез ортчытон но пинал пудоез будэтон ласянь асьмеос умойгес ужам. Сйзыл но тол вакыт азе пинал, будись пудоез вандылонлэсь возман нырысь ужпумен луэ. Пудоез толйытон понна рань условиос кылдытоно. Выль вордскем'ёссэ утылтыны али ик дасясконо.

1934 арын нырысетй июле асьме областями 7460 скалтэм хозяйствоос лыд'ясько вал. Со полысь ноябрь толэз азе 2996 хозяйствоос колхоз'ёсысь куньян бастызы ини. 1935 арын одйгез но колхозник скалтэмез медаз луы ни.

Тйни сыче асьме азын сылэсь ужпум'ёс. Та понна ЦК-лэн но Совнаркомлэн решениазы колхозник'ёслэсь но единоличник'ёслэсь куньян'ёссэс контраковать каронэз но соосыз дунэн басынэз чик жегатскытэк кужмоятоно.

Силь ласянь куляськонэз бидэстон понна векчи пудоосыз вордонэз умоятон бадзым кулэ уж луэ. Асьмелэн нош гурт тылобурдо но кролик вордонэз азинтонлы туж öжыт саклык вис'яське на али.

Азылане пудо вордонэз жутон но азинтон понна таце уж'ёсыз бидэ'яно: пудолэсь лыдзэ будэтон понна гинэ нюр'ясконо öвöл, солэсь зечлыкесэ умоятон понна но чик вис карытэк нюр'ясконо. Тае интысь пудоез умоятэм но сое метис выжы поттэм вамен бидэ'яно. Таза выжы пудоос кылдыт'яно Шонерак вераны кулэ, та ласянь асьмеос туж öжыт ужаськом али: (племя) усыкытон понна уж вырзэтымтэ. Умой выжы усыкытысь племенной но умоятэм пудоосыз лыдэ бастон пуктымтэ. Соосыз уже шонер кутон öвöл. Та берло 3 ар куспын асьме совхоз'ёсысь но мукет крайёсысь ваньмыз 178 умой выжы ош'ёс, холмогорской выжысь 5 ветыл'ёс но ог 2 сюрс пала умой выжы парсьпиос колхоз'ёсамы ваемын.

Умой-умой юн сюдон база кылдытэмын оз ке луы, пудо вордонэз азинтыны уз луы. Соин ик пудолы тырмыт сион дасян туж бадзым кулэ уж луэ.

Асьме азын сылэсь ужпум, пудо сион юн база кылдытон но вань люкам пудо сюдонэз умой, шонер уже кутон понна чурт-чурт уж нуон луэ.

4 ар чоже сельской хозяйствон дышетскем кадр'ёслэн лыдзы уно будыз. Кылсярысь, агроном'ёс но агротехник'ёс 1931 арын 136 ке вал, 1934 арын 196 мурт лыд'ясько ини, пудо вордон бордын ужась зоотехник'ёс но техник'ёс 25-ысь 71-озь будыз, землеустроитель'ёс—122-ысь 128-озь, техник-мелиоратор'ёс—16-ысь 26-озь, пудо эм'ясь врач'ёс—19-ысь 24 муртозь но пудо эм'ясь фельдшер'ёс—52 ысь 69 муртозь.

4 ар чоже 4 сельско-хозяйственной техникум'ёс шоролык (средней) образованиен 361 специалист'ёс дышетыла поттыз.

Та берло кунья ар чоже колхоз'ёслы тросэн кулэ луысь кадр'ёс—колхоз председател'ёс, счетовод'ёс, бригадир'ёс, конюх'ёс, тракторист'ёс но мукет дасян ласянь бадзым уж лэстэмын. Колхозник'ёслэн зажиточностьты будэ. Дебесс районьсы Ленин колхозын колхозник'ёс туэ трудоденьлы 6,5 кил. нянь басты, „Юж Пурга“ колхоз (Пичи Пурга районьсы) 5,15 килограмм. Та сяна соос картопка, сйль, чечы но мукет басты.

Та öжытэз гинэ. Асьмелэн таце умой ужась колхоз'ёсмы сюосын лыд'яско. Та пример'ёс умой возматэ: кудаз ке колхоз'ёсын уж умой пуктэмын: отын колхоз'ёсыз большевик, нош колхозник'ёсыз узыр карон ласянь партилэн, солэн вождезлэн Сталин эшлэн верам лозунгз азинлыко бидэсме.

Асьмеос туж уно лэстыим ини, нош азиямы талэсь но уно уж'ёс сыло на. Та уж'ёсыз бидэстон сюрес вылын люкетис'ёс но шуг-секыт'ёс öжыт гинэ öвöл.

Классовой нюр'яськон бырымтэ на. Со нюр'яськонлэн тусыз гинэ воштыськиз. Соин ик асьмелы классовой саклыкмес уката но вылэ жутоно, Классовой тушмон'ёслэн но соослэн агент'ёссылэн социализмлэн вормонлыко азинсконэзлы котькыче но люкетыны туртгэменызы туж чурит нюр'ясконо.

Асьме область парти ЦК лэн, Крайкомлэн но Крайисполкомлэн кивалтэмзыя, крайысь автономноос пöлын одйгез азымынйсь область луэ. Сельской хозяйствон умой ужамез понна кылем арын областымы краевой переходящей знамяен наградить каремын. Со уж понна ик асьме краймы кытчы Удмурт область но пыре вал, партиен но правительствоен выль наградаен—Ленинлэн ордененыз наградить каремын.

Тй тодыськоды ини, правительство лэн пуктэмез'я асьме Горьковской край кык нимаз нимаз крайлы вис'ямын. Асьмеос выль кылдытэм Кировской крае пырыськом. Горьковской край Союзын одйгез азымынйсь край вал. Промышленность, сельской хозяйствооз реконструировать каронын, хозяйстволэн но культуралэн котькуд люкет'ёсаз выль кадр'ёс дасянын, парти ЦК-лэн но Крайкомлэн кивалтэмзыя край ултояз туж бадзымес уж'ёсыз бидэ'яз.

Выль Кировской край, Ленин ордено Горьковской крайлэсь вань умой ужан амал'ёссэ киултоз но Сталин сямен но Киров сямен боевой ужаса, Сергей Миронович Кировлэсь, умой ленинецлэсь, Сталин эшлэн матысь осконо эшезлэсь нимзэ данлыко оправдать кароз шуса, малпаны ваньмыз оскон'ёс вань. Азымынйсь крайёсын одйг радян мыныны ваньмыз луонлык'ёс вань.

Асьме область Горьковской крайын азымынйсь область вал.

Ленинской партилэн кивалтэмез'я Удмуртия Кировской крайын но валтысь область луоз шуса оскытом.

Дано мед луоз, Ленинской партия но солэн вождез Сталин эш!

Дано мед луоз асьмелэсь кунгож дур'ёсмес оскымон но туж сак возмась андан кадь Горд армия!

Дано мед луозы бидэс дунне вылын совет'ёсл

Азылань—выль вормон'ёсы!

# Шарканэн чошатсконын нырысь инты басьтон понна

Асьме районысь парторганизация парти Обкомлэн ялэм конкурсаз пырыськыса, Шаркан парторганизацисель социализмо чошатскыны өтөмзэ кутыз но ас вылаз таңе обязательство басьтыз.

1. 100 процентсэ ик партшколаын кылайськисьсыз школае ветлыны кыскон.

2. Проработать карем матер'ял'эсыз умой тодон понна нюр'яськон.

3. Вань пропагандист'эсыз ас дыраз планэн обеспечить карон.

4. Дышетскон час'эсыз кельтонтэм понна нюр'яськон.

5. Пропагандист'эс пöлын толэзылы куинь пол семинар ортчыт'ян.

6. 1 январлэсь бере кылтэк, вань дышеткисьсыз газет но журнал'эс басьтыны кыскон.

7. Котькуд школаосын борд газет организовать карон.

8. Вань партийной школаос, хозполит компаниосыз дыраз быдэстон понна ужзэс герзяса нуон.

9. Вань школаослы 1 январлэсь бере кылтэк, школаос, пропагандист'эс но дышеткисьсыз социализмо чошатскон договор гожтоно луо.

10. Умой ужась но соц-договорзэс уж вылын быдэстись школаосыз, пропагандист'эсыз но дышеткисьсызсыз премировать карон понна РК ВКП(б) 100 манет преми висяз.

11. Социализмо чошатскон договорлэсь Шарканэн но школаос кустын быдэсмемзэ эскерон понна РК ВКП(б) секретарез воштысь — **Владыкин** эш ответственно вис'ямын.

12. Договор'эслэсь быдэсмемзэс эскерон толэзылы быдэ мыноз.

\* \* \*

Та договор соку гинэ уж вылын быдэсмоз, ку ке котькуд дышеткись чошатсконэ ужен пырыськиз но солэсь быдэсмемзэ эскерон вис карытэк мынйз. Тйни со понна нюр'яськоно вань школаослы но нимаз-нимаз дышеткисьсызлы. Озы ик та ужын борд газет'эс бад'ым инты басьтозы.

Шарканэн чошатсконын нырысь инты басьтон понна!

Агеев.

## Файкомол татчы учкы

„П-Бодья“ колхозын 9 комсомолец, эс. Комсорг — **Ардашев** марксистколенинской дышетсконэн уг кивалты. Туэ одйг пол но өз дышетске на-Озы ик колхозник'эс пöлын массовой валэктон уж уг нуо. Бумага вылын гинэ комсомолец'эс лыдзисько.

Та комсомол организация райкомолэн ныр улаз. Озы ке но, одйг пол но укез эскерыны өз ветлэ на. Тупатон та лябез.

Аф. Николаев.

## Малы облигацимес уг сето

Р-Лоза сельсовет 1932 аре заёмлы октэм коньдонэз киултыз. „Кыкетй пяталеткалэсь нырысетй выпуск заёмлэн облигациосыз али но сёт'ямтэ. Нош со заемлен али 5 тиражез шудиськиз ни.

Павлов сельсоветэ заем курны 4 пол ветлыз ни, — Сельсовет председатель „заём тйледлы өвёл ни“ шуса улля. Р-Лоза сельсоветысь бюрократ'эсыз чурят шымыртоно.

Павлов.

# НЮЛЭС ДАСЯН

## Нюлэс дасянлэн ляб жоглык' ёсыз кивалтон бордын

Районамы нюлэс дасянлэн жоглык'ёсыз лябесь. IV квартал йылпум'яське ни, нош нюлэс дасян план 58,00 процент но дасям нюлэсэз интысыстыз поттон 17,40 процент гинэ быдэстэмын.

Сое танй кин'эс нырысь ик куашкато. „Б-Ошворца“ сельсоветысь Б-Ошворца но М-Ошварца гурт'эсысь единоличник'эс нюлэске өз поталэ на. Б-Ошворца гуртысь сельсовет член — **Вахрушев** ужась кужымез ватыса кельтйз. Нюлэскын ужаны договор гожтыкыз 13 интые 8 гинэ гожтэм, соос но ужаны өз поталэ на. Пушкиари гуртысь единоличник — **Обухов И. З.** договор гожтон дыр'я пумит кариськиз, али номыр ужатэк гуртаз улэ. „Сталино“ колхозын планзы 26 процент гинэ быдэстэмын. Пыдын 17 мурт ужан интые 5-6 гинэ ужало. Колхоз председатель — **Вахрушев** но комсомол организация дисциплиназэс куашкатйзы. „В-труд“ колхозысь председателез — **Вахрушев** 19 декабре гинэ нюлэс поттонэ ужаны ыстыз. „Т-Ключ“ колхозысь председателез — **Рудин** парти кандидат сельсовет президиумлэн членэз нюлэс поттонэз 8 процент гинэ быдэстйз. Иж-Забегал сельсовет

## IV кварталлы тупатэм нюлэс дасян планлэн 22 декабрь быдэсмемез

Нюлэс пункт'эс	Процентэн	
	Дасян	Поттон
Красной . . . . .	53,00	14,60
Карашур . . . . .	49,00	10,50
Пастухово . . . . .	66,50	13,00
Ч у р . . . . .	63,20	31,60
Лумпово . . . . .	46,50	13,60
Ваньмыз	58,00	17,40

## Мукет кун'ёсын

### 11 город куашкамын

Центральной Америкаын туж кужмо муз'ем зуркан ортчемын. Соку дасодйг город'эс куашкамын. Город'эс куашкаса куинь сюрс мурт быремын.

Гандурас интыен гер'яськон дугдэмен, коня мурт быремын — ваньмыз годмо өвёл на. Та муз'ем зуркан Латинской Америкалэн но уно люкет'эсаз годмо луэмын.

### Сааре иностранной войскаос люкасько Париж.

Гаваслэн ивортэмез'я, Саарбрюкенэ 23 декабре голландской морской пехоталэн отрядэз но Итальянской гренадер'эслэн батальонзы вуиз. Озы тйни Сааре лыктэм иностранной войскаослэн лыдзы 3300 муртлы вуэ ни.

**Дыртэ, басьтытэк эн кыле**  
1935 аре январь толэвисен „Сталин'я“ газет кык та бытча (4 страницаен) потыны кутскоз. Жыныыз зуч кылын потоя. Газет бад'ымамен дуныз но дуноа. Толэзылы 50 коньы, 3 то лэзылы 1-50 к, 6 толэзылы-3 м но арлы-6 манет.  
Ачид басьтэм сяна, мукет'эсыз валэкты. Одйг колхоз корка но газет басьтытэкэз медав лу.

РЕДАКЦИЯ

Нюлэс дасянлэн — 58 процент но поттонэз — 23 процент гинэ быдэстэмын.

Красной нюлэс мурт дасян но тырмытэ интыос данак: нюлэскын ужасьёс пöлын массовой валэктон, соц. чошатскон но ударничество вöлмытымтэ, соин ик ужасьёс пöлын дисциплина ляб.

Медпунктысь ужась **Первошиков** вина юса, кудзыса ужасьёс пöлын „лекци“ ортчыт'я соин ик ужасьёслэн юан'эсылы ответ сётыны уг быгаты, Чур нюлэс пунктсысь 56. Мөро баракын ужасьёс быдэс толэзы чоже карасинтэк уйлызы.

Нош кытын ке земос большевистской кивалтон пунктэмын отын план но умой быдэстэмын. „Ворошилово“ колхоз нылетй кварталлы тупатэм планзэ 161 процент быдэстйз ни.

Асьме районын нюлэс дасян планзэ дыраз но вазь быдэстыны котькыче умой условиос вань, сое уж вылын гинэ быдэстоно. Красный нюлэс пунктын 1500 мурт пыдын ужан интые — 218 мурт, но валэн 1600 интые — 193 гинэ ужало.

Вань ужасьёс но нуналлы тупатэм нормаосыз уг быдэ'яло. Солы та но люкетэ. Нюлэс поттон сюрес номырлы ярантэм урод, кулэ луись инструмент'эс уг окмо.

Сельсовет'эслы но нюлэс пункт'эслы выль верам тырмытэ интыосыз быдтыса гинэ планзэ быдэстыны луоз.

Кузнецов.

## 101 процент вань

Кекоран сельсоветысь „Ударник“ колхоз областлэн XI с'ездэз азелы IV кварталлы тупатэм нюлэс дасян планзэ 20 декабрь 101 процент быдэстйз, „Ударник“ колхоз азьянлэзэ эшино но кужмо ужалоз

Николаев

## Татын 100 процент.

Кекоран сельсоветысь „Путь к социализму“ колхоз но IV кварталлы тупатэм нюлэс дасян планзэ 14 декабрь азелы 100 процент быдэстйз. 1935 арлэн нырысетй кварталлэзлэн но планзэ таңе жоглык'эсын ик быдэстэмын луоз.

Бушмакин

## Америкаысь Совето Союзлэн друзьяосыз обществолэн Калинин зшлы телеграммаез

Нью-Йорк 24. Нью-Йоркын Киров эшез буре ваён вить сюрс мурт'өм митинг луиз. Со Совето Союзлэн друзьяосыз обществоен организовать каремын вал. Митинг СССР ЦИКлэн председателезлы Калинин эшлы таңе телеграмма ыстыз:

СССРлэн 5 сюрс мурт американской друзьяосыз Киров эшез буре ваён митингын СССРлэсь одйг кивалтысьсэ вием, СССРлэн подлой тушмон'эсызлэн уж'эсылы паймемзэс верало. Совето Союзэз возманы, вань тоды гвардеец гыжкал'эсыз быдтыны кутиськись уждат'эслы юртгыны кылзэс сето.

## Пудо вордди Татчы ударник' ёсыз пунктэм кулэ

„Красная заря“ колхозлэсь вузлыко фермазэ но конной дворзэ но МТФез „лёгкой кавалерия“ эскериз. Кавалерия таңе тырмытэосыз шараяз. Продукта воз'ён посудаос уг миськыл'ясько куд-дыр'я мисько ке но кезыт вуэн гинэ. Посудаос чылкыт уг луо. Сепараторен ужан интыын урод пыдкучан'эссэс куямын дэри, сепаратор урод дйсьёсын шобьртэмын. Кунян возён интылэн укноосыз сөрлызэмын, пась интыоосэ чоқтамтэ, кунян'эс кынмо. Озы ик кунян'эслы улазы номыр уг тыро, чурьыт но кот интыын көлало. Кунян'эслы ву посьтон бак перел'эктыса пурисьтамын, уг миськыло. Скотницаос чылкытэз уг эскеро, искал кыскисьёс ведразэс уг миськыло кыед вылэ пуктыса отчы котькыче жаг пыре.

Скотницаос пудо сионэз тус-тас каро. Скал'эслэн пыд улазы куяса былто. МТФен тодйсьясысь **Шемякин М.С.** скал'эслы коня сион сётоно уг валэкты.

Скотницаослэн улон корказы егит калык жытлы быдэ вечер лэсьтыло. Куд-дыр'я куд'зем мурт'эс пырыса отын көло. Шемякин скотницаосыз уг эскеры, соослэн тазалыксы но врачен эскерымтэ.

„Лёгкой кавалерия“ конной дворец эскерыны мыныса II-ти бригадаысь **Бердышев В.М.** сое котькыче кулэ-тэм кыл'эсын серем карыны выриз. Нош конной дворын уж копак куашкатэмын: вал'эс уродэсь, кудог висэтаз подстилка волдымтэ, нөд. Сюанэ ветлэм вал'эссылэн быж'эссы кертылэмын ик улэ. 7 валэн урам куз'я ворттылыса уйлызы, организаторез — колхоз председателэ.

I но IV бригадаысь вал'эсыз уг сузило, коргидысь кыедэз уг потто, винтиляторзы но өвёл.

## 1934 арын тупатэм сйль дасян планлэн 20 декабрь быдэсмемез

Сельсовет'эс	Процентэн
А-Ворда . . . . .	91,00
П-Итча . . . . .	92,80
Я-Бодья . . . . .	91,00
Кекоран . . . . .	95,00
Ижский . . . . .	94,50
Богородск . . . . .	93,00
Ишем . . . . .	94,00
Кутоншур . . . . .	77,50
Кыква . . . . .	93,00
Б-Ошворца . . . . .	83,50
Шорни . . . . .	95,20
Чутырь . . . . .	91,80
Р-Лоза . . . . .	79,00
Ваньмыз	89,40

## Редакторез воштысь КОЛЬЦОВ

Доводится до сведения всех граждан и организаций, что по системе райпотребсоюза с 20 октября 34 г. по 5 января 35 г. производится переучет неоплаченных квитанций на внесенные вклады и авансы. а так же квитанций, на сданное сырье и сельхоз продукты заготконторе.

Райпотребсоюз просит, все имеющиеся на руках документы за время с 29 по 34 г. включительно, пред'явить своему сельпо не позднее 5/1 35 г.

Документы, не прошедшие переучет, считаются недействительными и оплачиваться не будут.

Райпотребсоюз